

寧河縣志卷之十五

風物志 凡五

風與化移物以時育舉而措之存乎其人夫風物亦至不一矣生其間者異俗剛柔輕重異齊寒暑往來朝日夕月者異尚毛阜鱗膏羽覈介莢羸叢者異宜修其教溥其利而治道出焉二者邑政之大者也欣逢

聖世協氣橫流道一風同邇遊遐泳寧雖小邑密邇畿

輔有不被潤澤而大豐美者哉語曰腴之斯瘠撫之

寧河縣志

卷之十五

風物

一

斯腴則轉移利導之間其必有道矣志風物

風俗

知縣洪肇楸適軍糧城失路見一樵者遣役問之掖

至輿前公問曰此何地名曰不知爾住何莊曰不知

爾何姓名亦曰不知蚩蚩木立公笑而釋之去數武

復竚望而笑公歎曰甚哉寧民之淳也其不見官吏

也久矣宜其始則茫茫然驚繼則嘻嘻然樂也今則

知識漸啟矣然其君子自愛而多迂其小人自謀而

耐苦卽間有爭競者亦不敢以公門爲捷徑云

按史公言文帝時人民樂業因其欲然能不擾亂故百姓遂安游敖嬉戲如小兒狀而范史載劉寵爲會稽太守狗不夜吠民不見吏靡眉皓髮之老未嘗識郡朝史之所稱豈不懿哉若夫役繁訟多終歲之勤半在官府雖欲其愚不可得矣君子以是知民俗之厚也故亟登之以爲風俗之始

士尚樸實知廉隅其父兄子弟相授受師友相切劘一以經書爲本業無作輟無營求雖困頓挫折終不以奪其志城鄉遠近皆重讀書風晨月夕每過輒聞

寧河縣志

卷之十五 風物

二

雜誦聲

農
自分縣以來寧地無膏腴蘆臺大河以北與東西各村均窪下瘠產遇豐歲每畝所收不過五六斗大河以南地更鹵薄不任耕種卽間有成田者無雨卽早有雨卽潦且多患蝗孽故十歲九不收而邑民素少積聚

工
寧邑人多樸拙然終歲勤動游手好閒者絕少各項工作所操藝事僅能成器備用無有以匠巧名者而沿河莊戶皆以結魚網爲業得微利少可自贍

商
寧邑統分縣前後總無大商所有一二開典者來
自山右與隣近之左右縣耳市有常期列肆中祇布
米魚蝦菜蔬之類其他紬紈珍饈衣履器玩及零星
雜物未嘗見也居民婚嫁諸禮需備物者必過天津
求之矣

女耕種之區親饁餉佐耘耔率以爲常城薄下濕地
晝取茅夜索絢不減幽風景象邇更勤於紡績司中
饋畢聚家之老幼姑率其婦母督其女篝燈相對星
月橫斜猶軋軋紡車聲達戶外也

寧河縣志

卷之十五

風物

三

冠 成童則加帽古三加禮俗以昏禮該之

昏 合兩姓先用媒妁問名已定男家爲女納徵具啟

一通用名帖備羊酒謂之訂盟女家依次回覆謂之
允盟此後男家用首飾紬帛等項爲女行聘謂之納
幣亦有用財禮布疋代幣者將娶先擇吉日具帖送
女家謂之請期娶先一日又爲女送冠帶謂之催粧
女家亦送粧奩等物謂之鋪牀臨期男請伴郎轎馬
鼓吹陪新郎至女家升堂再拜御輪授綏謂之迎親
亦有從簡者或用轎或用車迎女至門男以彩巾引

入卽日行合巹禮共筵交觶三朝廟見拜先祖拜舅
姑及伯長等輩謂之拜三或八朝或雙九女家邀婿
併女到舍款洽謂之回門至鄉村陋習相沿間有同
姓聯姻者實非禮也

喪臨歿遷寢焚冥器等物拜送門外名曰送行入室
號泣擗踊逾日送路備燈籠火炬製引鬼牌詣城隍
廟鄉間詣土地廟凡親友男女俱隨接引來家哭拜
不一三日成殮按七致祭以通遠親未弔者營葬用
丹旌彩窆冥器芻靈各隨其家之貧富以爲豐儉幸

寧河縣志

卷之十五

風物

四

不至有停櫃之弊然居之近水者往往于河濱浮厝
經歷歲久多被淹沒暴露余每見爲之惻然因出示

嚴禁諄切曉諭其風蓋可少變云

告示
附錄

爲曉諭事照得死者之兆域卽生人之居室故葬
營善地義原取夫歸土之安置諸水濱情何殊夫
委壑之忍寧河地處低窪邑無山阜但其中高原
爽塏之區所在皆有本縣蒞任以來巡歷所至每
見河灘窪地墳塚累水冲坍卸暴棺露骨揆其
由來或緣無力之家憚於遠覓高坡就近苟且安
葬迨後習以爲常恬不知怪不思古人厚其棺槨
加之封樹無非欲以計久遠妥幽室耳今乃棄之
河干任其泪沒行路爲之酸心爾等能無泚額况
當春秋展拜人人塚墓依然爾等遺骸莫辨死者
有知寧不悲愴於泉壤耶合亟出示曉諭爲此示
仰縣屬居民人等知悉嗣後遇有營葬務擇高原

深埋崇築毋得仍沿陋俗致被冲坍所有從前安葬河灘窪地亦須亟為謀遷以免後來淹沒其暴露骸殖爾等附近居民並鄉保人等更當設法埋掩勿使枯骨漂流本縣為人心風俗起見不惜諄切訓諭爾等各宜猛悔前非毋違特示

祭 清明節祭掃先塋懸掛紙放起花奠於墓所比戶皆然回集家廟廣設几筵合族會食歡洽竟日亦有取次分門在家會飲者七月十五日獻麻谷十月一日送寒衣年終除夕新節元旦懸像設供家家致祭遇祖先忌日請主在堂具牲醴舉家拜奠三年服闋肅儉相備獻儀祝告先靈易凶從吉不煩不怠猶有

寧河縣志

卷之十五

風物

五

古風

論曰班固有言民函五常之性繫水土之風氣故謂之風好惡取舍動靜無常隨君上之情欲故謂之俗而四民者又風俗之本也故學以居位闢土殖穀作巧成器通貨鬻財各有其業而風俗正矣寧邑故燕分地昔人謂其民雕悍少慮此統舉全燕就當時所見而言之非篤論也跡其崇節儉省繁飾喪紀得其哀祭祀得其敬非其俗之近古者乎若蠶桑為經國之大務北人不習委於地鹵以故尠此大利然紡績

之利亦其次也漢食貨志云冬民既入婦人同巷相從夜績女工一月得四十五日是則衣食之源風化之本舍此何以哉

歲時

正月元旦慶節祀神祭祖拜尊長幼以次相拜又親友交相賀謂之拜年舉家食餠食前五日家衆喫隔歲飯不忘舊之義也自一日至十日以陰晴卜歲之豐耗元夕前後城鎮懸燈三日鄉村亦插燈相慶擊鼓撻金陳百戲以爲樂食糖圓十六日婦女相攜走橋摸釘以消災或請厠姑以下休咎

寧河縣志

卷之十五

風物

六

二月二日名龍擡頭家塾令童蒙開筆取兆人家以石灰引白龍入以小灰引黑龍出亦有以餠食祀者是月也春分民乃犁

三月上巳不知修禊士風之樸也清明祀先展墓加墳土掛紙錢多插柳戴松柏枝族衆多會食小兒亦漸放風箏是月也恒望雨

四月八日浴佛俗競上廟識禮者非之十八日聖母誕二十八日藥王誕演戲三日城及鄉祈報者填集

於道是月也望雨尤亟

五月端午人家以角黍相饋兒女佩丹符花勝門插艾葉飲雄黃菖蒲酒以辟瘟疫是月也將屆芒種先播秫夏至後十日農乃登麥謂之麥秋

六月六日炒米花曝衣曬書入伏造醬醋製麪是月也恒望晴懼霖雨傷稼

七月七夕女子候雲簇之巧者投細針浮水碗中視其影之長短粗細以占巧拙中元節詣先塋祭掃僧衆放河燈夜月乘舟持經梵作佛事以度餒魂

寧河縣志

卷之十五

風物

七

八月中秋人家祀先老媪祀月以月餅西瓜相饋贈視月之明暗驗來歲元宵之晴雪白七月至此早禾皆熟

九月重陽無登高之會而田野以其時放生畜是月也晚秫早收

十月朔日上墳製紙衣焚墓上俗名送寒衣

十一月冬至不賀節食餛飩以象子半之義小兒放學一日與官衙放假同

十二月八日家家食各種米豆棗栗粥名臘八粥而

廟宇亦有食粥齋者二十三日祀竈於竈陘除夕前三五日各以饀勝饋遺名饋年節換桃符門神宜春膀子闔家不眠飲黃白酒食糖果達旦謂之守歲放爆竹攢火圍爐以助陽氣往往徹夜不寐以兆年豐

附方音

學讀作鴉

筆讀作彼

色讀作曬上聲

覺脚並讀作絞

藥讀作耀

摘讀作債

閣讀作稿

麥讀作買

寧河縣志

卷之十五

風物

八

我讀作挪上聲

墨讀作密

愛讀作乃去聲

窄作齋上聲

畧讀作料

耕更並讀作經

雀鵲並讀作肖上聲

北讀作卑上聲

俗肅並讀作須

白讀作拜平聲

國讀作鍋

突讀作覩

訛讀作挪

熬讀作饒

鶴讀作蒿

欲讀作愈

翟宅並讀作齋

獲讀作槐

血讀作捨

索讀作鎖

福讀作府

錫讀作西

阜讀作富

雹讀作包

鞋讀作蛇

道讀作刀

飯讀作泛

郁讀作於

給讀作紀

濶讀作渴

樂落並讀作勞去聲

郭讀作葛

霍讀作火

瑞讀作葢

木牧目某畝牡墓慕暮並斂口作鼻音

寧河縣志

卷之十五

風物

九

又方言爹父稱也媽媽母稱也爺祖稱也奶奶祖母
稱也老爺外祖稱也姥姥外祖母稱也哥兒稱也呼
小兒亦曰哥兒相公讀書人稱也你老尊輩稱也阿
應聲也上頭女冠笄也指手拱手也軀躰大不潔也
藟苳不謹飭也誣口吃也攙相扶也攢擲地也揉推
擊也啣查耳語也瞥乍見也澄澄小兒學立也踏踏
小兒學步也紮盲盲小兒蒙目拿人也嘎驚也粘瑣
言之多也豐器破未離也焮焮火盛也都都呼馬驢
也犗犗呼牛也噉噉呼犬也呶呶呼鷄也頤頤呼鴨

也歎歎呼豬也夠多也癆不飽滿也癡小睡也旄子酒帘也補釘補衣布角也引酵發麵糟也膩脆脆味厚也嘎行子甚麼也奏做不直爽也落頰把喜過甚也拿卡兒使轉動不得也滴溜圓也車科車夫也頭口牲口也雜上聲了呢如何是好也咱兒的怎麼樣也姑都着蹲踞也今兒個今日也夜兒個昨日也候上晚上也多趲多少時候也

按四方之民言語不通而筮仕者又皆東西南北之人語之不分情何由達故雖不得強爲同而不

寧河縣志

卷之十五

風物

十

可不明爲辨也夫各操土音何地蔑有在著作之士猶且不免焉昔人謂荀子每言案楚詞每言羌公羊多齊言淮南多楚語囿於方也然則審風氣之殊以通天下之志者必自發言始矣因稽合異同以補風俗之未備

物產

穀之屬

粳稻穀之總名也南人呼稻米北人呼粳米南人多水種北人多旱種邑近海水鹹故旱種米有紅白二

色

國初營田因水土不利輒罷之

大麥卽麩麥邑人舂爲粗粒名麥仁飯香美

小麥粒小於麩爲用較大麥尤廣顧元慶曰江南麥花夜放故發病冀北麥花晝發故宜人

蕎麥耐旱易成種最晚邑人栽以給冬儲過春卽不食云能發風動氣按唐高承簡傳以莪爲蕎非也據爾雅詩傳莪另是一物

蜀黍今名高糧始自蜀故謂之蜀黍種有三有粘者

寧河縣志

卷之十五 風物

七

有不粘者有晚種者爲糙梁碾米壯人氣力北地者佳

黍卽稷之粘者粒大而黃今呼爲黃米可酒餌可糕粥梢可縛帚莖可織箔田家多植以資其利

玉蜀黍苗似蜀黍而子顆顆攢簇黃白色可炒食做澄漿麵更香美田家園邊多種之

稷稌也關西謂之糜今呼爲糜子米粒如穀而光澤米似黃米而不粘作飯食其味淡

穀子粟也今呼爲小米苗似稷黍而粟穗攢簇有三

月下種五六月收亦有七八月收者刈穀欲早刈黍欲晚穀晚多零落黍早則米不成

涼穀米卽小米粒更小而色白煮飯滑美

菽之屬

曰大豆曰黑豆曰綠豆曰黃豆曰赤豆曰豌豆曰豇豆曰菹豆各種皆諸方所有藝植之法亦無殊異故僅疏其目以志之

粟之屬

脂麻有早晚二種黑白赤三色可供食亦可作油沈

寧河縣志

卷之十五

風物

三

存中筆談云漢張騫始自西域得油麻種來故又名胡麻卽脂麻也

白麻可供繩索邑近海船用最多

棉花一名吉貝沙地皆可種寧土亦宜能兼習紡織則女有餘布矣

蔬之屬

芥古名芥菘白者上芥心味辛美扁而細者佳醃藏作菹蒸曝可經久白芥子入藥

白菜古名晚菘有青白二種青者莖圓厚曰箭竿白

白者莖扁薄曰黃芽菜五月下種六月畦栽霜後收
治卽所云秋末晚菘也味甘香蔬中勝品

韭一歲四五剪剪而復生久而不乏故名長生菜春
初嫩黃最稱珍品花亦可作茹

薤葉似韭而濶間有野生者

蒜有大小二種根莖皆小瓣少味辣者爲薤卽小蒜
也根莖皆大瓣多味辛帶甘者爲胡卽大蒜也又一
種澤蒜多野生

葱有四種冬葱大管葱也漢葱木葱也葫葱回回葱

寧河縣志

卷之十五

風物

十三

也山葱蒼葱也邑人所栽惟冬葱漢葱二種而冬葱
尤勝

茄落蘇也有紫白二種白者味勝謂之水茄

蘿蔔古名紫花菘爾雅作蘆菹一名萊菔有紅白二
種四時皆可栽惟末伏初秋爲善破甲便可供食兼
消麵積東坡所謂玉糝羹者是也

胡蘿蔔外紅內黃味甘八月下種冬月收根生熟可
啖

菠薐本是頗陵國種譌爲菠薐俗呼菠菜正二月種

可備春菽八九月種可供冬乏

萵苣彭乘云自周國來故名二月種四月生筍醃藏可供歲儲茗饌皆宜

山藥古名薯蕷其子散綴莖旁大小不一名零餘子霜後收噉味亦甘滑益人至冬掘根以白而扁者爲上尤宜養老惜寧邑種者不廣

百合根如蓮座六七月可採食味微苦能益肺白花者佳一種曰山丹又一種曰卷丹形味畧同山丹花可入蔬卽今市中紅花菜

寧河縣志

卷之十五

風物

齒

莧有青紅二種味甘滑南人最尙其野出葉如瓜子者曰馬齒莧易夫五爻傳謂感陰氣而生是也莧與鼈同食能殺人邑野中多有之

筍有蘆竹蒲諸種邑只有蘆蒲二種

芹可作菹及瀹食之有赤白二種惟白芽爲佳

藜一名落藜初生嫩葉可食昔人謂藜藿卽此也其莖老可爲杖別一種名落帚根叢生攢簇直上性最柔弱枯時回家取作帚苗嫩時亦可供茹二物各異形畧似耳

灰藿卽灰條菜也處處有之莖有紫線稜葉尖有刻缺莖稍嫩葉有細白灰故名爲蔬味甘

茴香冬月栽子宿根亦生葉散垂如絲髮特異諸卉五六月開花八九月采實味辛香

苦菜俗呼曲蟻菜詩邶風所云誰謂荼苦月令所云苦菜秀是也野田皆有之春初生苗掘嫩白根長一二寸醋醬拌食味苦五六月莖高二尺許中空而脆葉似鳳仙開黃花似野菊刈苗蒸曬可供歲儲

菘之屬

寧河縣志

卷之十五

風物

五

壺蘆形類不一實則一種邑人以長而首尾相等者爲瓠短柄大腹者爲壺蘆味甘可食而壺更可條曬久儲瓠可豢豕

冬瓜大者可三四尺嫩時綠色有毛老則蒼色有粉其瓢虛白如絮謂之瓜練可浣衣

王瓜味甘生啖甘滑故又得甘瓜之名一種五月種者霜時結瓜色白而短可蔬可菹可曝藏其用殊廣西瓜種出西域故名藝沙田者佳暑月剖之脆若嚼冰甘如啖蔗

北瓜俗名窩瓜皮紺瓢紅味亦淡甘

甜瓜有青綠黃斑諸色於瓜中爲最小而味特香甜故得名

絲瓜一名天羅結長二三尺深綠色嫩時摘取去皮可烹可瀹可供茹蔬老則枯絲纏絡惟堪滌釜而已癩葡萄卽南方苦瓜莖葉似葡萄而小七月結瓜青色長徑尺亦有圓小者其皮痒癩味苦入饌絕佳閩粵人喜食之熟時青黃色自裂露紅瓢北人所食其實美不在此也

薯有紅白二種蔓生宜沙土旱地味甘性溫南方貧者取以代糧與山藥同類良鄉涿州俱有宜廣種植芋葉似荷而長不圓根白可食亦有紫者一名蹲鴟史記貨殖傳汶山之下沃野下有蹲鴟至死不饑言能備荒也南方當歲不熟貧者亦取以代糧且性易活水邊隴畔俱宜此地不經見然秦蜀俱有未有不宜於此者故並紀之以待老圃之利

菓之屬

石榴天漿也產南邊者樹高尋丈五月花時樹如燒

焮結實如桃大者如橘秋間熟熟時其皮綻裂子嵌房內纍纍作碧紅色消渴潤肺潘尼賦所謂商秋受氣收華斂實是也北方所產有紅白二種樹不甚高大自地作叢可供盤玩

櫻桃鶯所含食故名含桃或呼崖蜜熟最早

梨北地處處有之葉似杏微厚大而硬二月開白花如雪六出上巳日無風結梨必佳

葡萄漢書作蒲陶折壓卽生春月引蔓作架承之夏受其陰秋掇其實邑人於園亭種之子熟可啖清沁

寧河縣志

卷之十五

風物

七

心脾

藕卽蓮之本以芽種者發速以子種者生遲五六月取者爲花下藕尤脆美邑亦間有種者

木之屬

松有山松枯松海松之異惟宜岡陵寧邑地平行無山植之者甚鮮惟古剎名園間有一二風枝雨鬣留爲奇觀耳

栢今人多植墟墓間側葉者入藥其尖葉者名檜

椒俗呼花椒葉對生莖有小刺四月開花五月結實

辛香不及蜀產

桑有數種白桑葉大如掌而雞脚桑葉小而薄子桑

先甚而後葉邑植者多子桑

按邑多荒地宜多種以廣其利植桑養蠶之法

附後

榆白粉也未放葉時先著莢如錢色白成串俗呼榆錢可蒸粉食

槐季春五日而兔目十日而鼠耳更旬而始窺二旬而成葉初生嫩芽可茹亦可代茗夏時開黃花秋月結實作筴

寧河縣志

卷之十五

風物

六

楊柳易生插枝則活直種則葉上揚倒扞則枝下垂條可編器具亦可供爨

柘俗呼柘梨樹葉花皆似梨結實如櫻桃生青而熟黑味澀

棘有赤白二種叢生野中刺有直有鈎藩牆用之花之屬

牡丹本本周濂溪愛蓮說云牡丹花之富貴者也俗因名富貴花花有五色寧邑惟赤白兩種而已

海棠種有垂絲西府木瓜貼梗而西府最勝西府之

紫錦垂絲者尤佳

玫瑰俗謂之離孃花分栽則茂摘花與鹽梅蔗霜同
杵媚香可餐園丁花時售之獲利倍於蔥薤

芍藥花類牡丹而莖實草本色亦有赤有白其根可
入藥

榆梅三月開粉紅色俗名爲粉團

丁香白色花狀如丁芬芳襲人三月開亦有紫色者
香畧次之

迎春狀類丁香而色黃先春日開故名迎春

寧河縣志

卷之十五

風物

十九

探春白色開二月間在迎春後而先於丁香故名探
春其香較丁香迎春更勝

荷花爾雅云其花菡萏其實蓮其根藕又楚詞集芙
蓉以爲裳卽其葉也非岸生之木芙蓉

萱宜男草也叢生柔翠五月抽莖作花純黃單瓣者
貴亦名忘憂草

鳳仙女兒花也自夏初至秋芬芳不絕結子纍纍觸
卽卷裂故得急性之名南方名指甲花女兒取染指
甲故名

玉簪花萼如白玉搔頭初秋開綻時皆在日暮五出中吐黃蕊清香逼人又有紫色者香稍遜之

雞冠清明前播子夏月吐秀入秋始媽

秋海棠喜陰濕惡澆灌宜幽窗背日處種之有一種白者更妍

菊種最多變最奇惟黃者爲正色白次之邑多植以爲秋玩

老少年初生如雞冠入秋則變色斑斕可愛始而淺綠旋改紅黃得霜益妍

茶蘼紅白二種紅者似薔蘼葉厚條堅刺硬白者葉弱而圓尖作深碧色條柔刺細花大瓣長開時如雪月季花名月月紅以四時長著花也然春夏則濃妍秋冬未免淺淡矣

金銀花一名忍冬藤藤皆左纏對節生葉一蒂兩花先白後黃采可供茗味絕宜人堪入藥

草之屬

枸杞葉似石榴種肥壤中待苗生剪爲蔬食甚佳其子入藥根名地骨皮以甘肅爲佳

牽牛俗呼牽牛郎蔓生野田有黑白二種皆入藥白者采嫩實蜜餞爲果俗呼爲天茄

兔絲蔓生夏初有苗如黃絲偏地不能自起依附他草卽纏繞而生其根漸絕於地蔓寄空枝無葉有花白色微紅香亦襲人結子細碎八九月采入藥

苜蓿卽連枝草出自大宛今處處有之細莖分叉而生稍開紫花結甬有子味苦入藥

藍靛青也有三種蓼藍如蓼染綠大藍如芥染碧槐藍如槐染青皆入藥邑中沿河諸鄉多擅槐藍之利

寧河縣志

卷之十五

風物

三

蒼耳臬耳也葉如苘麻亦如茄初生嫩苗可以茹實如香附而多刺炒研可作餅餌亦可入藥

蓖麻莖高丈許中空有節葉大而厚凡五尖夏秋作黃花結實如巴豆可入藥亦可取仁榨油作印膏最佳

蒺藜布地蔓生細葉子有三角刺狀如小菱入藥

秋蜂兒卽淡竹葉春生細莖高數寸葉如竹而柔開碧花作兩翅似蛾形故名葉入藥花可曬粉染繪最鮮

車前子多生道傍春初生苗布地如匙面花青紫色
子黑服食家尚之

蒿有青蒿白蒿蓬蒿茵陳蒿嫩苗可茹子可食青蒿
可入藥餘供爨而已

益母莖方葉青有尖岐節間叢生穗小紫花以不見
婦人者入藥良

菖蒲五月五日小兒佩之辟邪與萸囊並珍

蘋四葉合成中折十字如田形夏秋開小白花淪之
可食

寧河縣志

卷之十五

風物

三

馬蘭產陂澤旁葉有刻齒狀似澤蘭故得蘭名

鹿藿俗呼豈豆生田地中苗葉似豌豆三月開淡粉
紫花結小莢子黑色可煮食可粉作餅餌

牛舌生下濕地苗高莖赤葉長尺許似牛舌開花結
子與葉一色夏至卽枯秋深復生凌冬不死性能殺
蟲治禿兼解河鮑毒

蓼今呼水紅花節生如竹花開蓓蘖而細枝枝下垂
色粉紅可愛生水邊故名水紅花有子如粟黑小而
扁可食

蘆葦生潮河岸邊東坍西長雖云兩岸蘆花實止一岸耳可織筐織席田家盡資其利

黃鬚葉如鬚金黃色故名春初采嫩枝可蒸食亦可
參豕暮秋刈苗曬乾篋揚出子黑色可研作餅餌

三稜多生荒陂下濕地春時叢生夏秋抽莖莖端綴
葉開花六七枝細碎成穗黃紫色中有細子莖葉花
實俱作三稜子可食莖可織屨

稗卽稊稗也俗名家稗六月種八月熟多種下濕地
其莖葉穗並如粟

寧河縣志

卷之十五

風物

三

野稗邑東南地瘠徧地俱生暮秋落地田家掃土篩
簸出粒作粥味香人多賴之

馬糾草青箭草地藜草莎草茅草荇草蒲草惟蒲可
作簍笠荇可打繩索餘供爨而已

毛之屬

牛黃黑赤白色或純或雜其齒有下無上三歲二齒
四歲四齒五歲六齒相牛經曰凡牛眼欲大脰欲長
股欲潤毛欲密齒欲白耳角欲近尾欲長凡面短毛
赤尾豎並命天角冷有病病則立而不眠眼下旋毛

名曰滴淚妨主人曉亂觸人眼齧有緣招官災兩耳
間有亂毛妨主耳後有旋毛招盜賊勿畜之毛少骨
多者有力溺射前者良牛爲農事之本故特詳焉
羊春夏早放早收勿至日中汗出染塵卽生疥癩秋
冬晚放勿食露草口鼻生瘡腹瀉易瘡
馬眼光照人全身者齒卽少光愈近齒愈大歲二十
齒平矣畏暑不畏寒宜浴不宜曬凡駒初生時卽以
乾土遍擦其身則馴而不蹄嚙
驢有蒼黑白三種

騾形大於驢力健於馬其力在腰後有鎖骨不能開
故不孳乳

豬性喜穢濕婁豬短項無柔毛宜子

狗生一子者吉諺云犬生獨家富足黑犬能辟伏尸
獾穴生而居形似狗而肥尖喙矮脚深毛短尾好食
瓜果皮可作裘

猫尾長腰短目如金銀及上齧多稜者良

狐黃河北爲北狐河南者爲南狐北狐皮毛柔軟南
狐皮毛畧厚勁皆可爲裘

鼠俗呼老鼠孕一月而生其精在膽能治耳聾
兔形如猫故又名野猫毛褐尾短耳大而銳上唇缺
而不脾穴生邑多棄地故此種最多

狼形大如犬頭銳喙尖白頰駢脇高前廣後脚不甚
長毛雜黃黑亦有灰蒼者其腸直鳴則諸孔皆沸食
禽畜亦能傷人其糞可作烽烟直上不斜故曰狼烟
海濱時有之

羽之屬

鵝舒雁也逆月而伏卵能辟驚癘夷堅志麥芒誤中

寧河縣志

卷之十五 風物

三五

喉中曰穀賊鵝涎滴之立解

雞田家常畜

鴨舒鳧也邑多水鄉故畜鴨最宜

雉介鳥雄者文彩而尾長雌者文暗而尾短

雀常棲簷瓦間羽作褐斑色頭如蒜顆目如擘椒至
夜卽盲躍而不步卵有花紋性淫俗呼麻雀

雄
鴿性易合或並鳩爲耦凡鳥皆雄乘雌惟鴿以雌乘

鴈候鳥也急就章注鴻色正白鴈色蒼黑夜宿洲中

鴻內雁外逐更警備亦云鴈奴

燕元鳥也有二種紫胸者聲小斑胸者聲大

鵲一名喜鵲亦名乾鵲

烏鴉色純黑曰慈烏亦曰孝烏

鷺春鋤也其色正白首細而長脚高尺餘喙長三寸頂有長翎如垂絲欲取魚則弭之其孕以目

鷹鷲鳥也來從海外最健者曰海東青八九月人多以媒取之

鴟鵂也俗呼貓頭鷹頭目如貓有毛角晝伏夜出有

寧河縣志

卷之十五

風物

五

大小二種皆不祥鳥

喙木鴛也面如桃花喙足皆青色利嘴如錐長數寸舌端有刺喙蠹卽以舌鈎啖之博物志云能以嘴畫符令蟲自出

蝙蝠伏翼也形類鼠有肉翅四足及尾連合如一鳧一名野鴨狀似鴨而小邑多窪港此種最多

鷓鴣兩物也今人總以鷓鴣呼之形相似但無斑者爲鷓大而斑者爲鷓人能以聲呼取之畜令搏鬪鷓鷲俗作鷓鴣水鳥之大者狀如鷓青蒼色好啖魚

蛇能與人鬪詩云有鴛在梁卽此物也

鱗之屬

鯉神農書魚之君也范蠡養魚經曰所以養鯉者鯉不相害易長且貴也

少陽俗呼戩蓋魚細鱗無足腹白背青狀如盤口在腹下目在額上尾長有節海人腊之以充夏菹

鯽一名鮒性喜啖泥不食他物冬月肉厚子多其味尤美

鱖魚形細而色白冬月取之

寧河縣志

卷之十五

風物

七

鮎大首扁額喙口寬腹鱗身鱧尾有齒有胃有鬚色雜青黃涎沫最粘而滑故以鮎名

河豚一作鯀鯪食蘆芽則肥蘇詩萎蒿滿地蘆芽短正是河豚欲上時肝血有毒不食未爲不知味也

鱠殘魚俗呼壺蘆魚長三四寸身圓如筋潔白如銀無鱗乾爲麵條魚

鱣魚有黃白二種多涎沫大者長二三尺一種蛇變者名蛇蟾有毒害人夜以燈照其蛇化者項下有白點通身浮水不可不辨

鱖魚大小形狀並同鱸殘但喙尖有一細黑骨如針
爲異耳

鮓魚俗名泥鰍狀微似鱔而小沉於泥中故名
鰕大小不等蒸曝去殼謂之鰕米又有麻線鰕細而
無肉土人多糟爲醬名滷蝦又有對蝦大有半觔者
肉少粗作醬佳

嘉魚類黃魚春日海船上山打之

勒魚俗名快魚形色俱似江南鱒魚但頭上有骨合
之爲鶴喙形鮮者香美鹽醃可久

寧河縣志

卷之十五 風物

三

燕魚尾兩叉似燕尾故名身扁背青肉無刺可鹽醃
銀魚潔白如銀金眼無紅者佳冬月穿冰取之味亦
無甚佳處有銀魚說見藝文志

鮫魚身圓而長扁額長喙腹無泥以初春爲佳

鰲魚長三四寸色蒼黃細鱗烹食之有味

鱠魚肉作瓣腹中有膘最肥魚中之貴者

魴魚狀如長薄尖刀白色細鱗肉中多細刺煎炙皆
美

比目魚俗名鞋底魚細鱗青黑色一眼兩片相合而

行其合處半邊平白而無鱗口近腹下煮烹皆美
海蛇俗訛爲海蜚南方名水母形渾然凝結其色皆
紫無口眼腹下有物如絮羣蝦附之啞其涎沫爲潮
所擁蝦去而蛇留人取之浸以石灰礬水去其血汁
則白其最厚者曰蛇頭南方爲水母髻味更勝生熟
皆可食

介之屬

蠃足二螯八跪利鉗尖爪雄者臍尖雌者臍圓其黃
與白應月盈虧霜前有微毒霜後將螫味美八九月

寧河縣志

卷之十五

風物

三

爲蠃浪時漁者緯蕭承流取之夜以火照則畢集冬
月穿冰得爲紫蠃取之甚苦

蠃蠃中最大者其螯尤銳剪物如截故名生海中正
月初卽出其殼橫尖而銳足扁而潤

蚌爾雅作含漿月令雉入大水爲蜃卽蚌也其種多
老者胎珠其肉可食殼可爲粉

蠣磊磊如山雖生河中實海氣結成其房有肉名蠣
黃可作羹房入藥爲石決明粵人集其房以築室或
燒以代石灰

蛤蜊生海濱沙土中白殼紫唇大三四寸今多作醬以充海錯鮮噉尤美其殼可燒以作石灰之用
蛭生海泥中長二三寸大如指江南者獨脚此地雙脚名女兒蛭

蚶狀如小蛤圓而厚殼上有稜似瓦屋之壘故一名瓦屋子三月得者曰桃花蚶子味鮮美

螺螄大如指甲而殼厚於田螺惟食泥水酒烹糟煮食之清明後其中有蟲不堪食

蟲之屬

寧河縣志

卷之十五

風物

三

蝶種不一秋冬作繭草樹間至春而羽化五色栩栩於芳林野草間

蜻蜓有青紅黃黑四種水蟲所化紅黑色多則有大水

蠅好交其足有絞繩之象故字從黽其聲在翼淮南子云爛灰生蠅

蚊白鳥也水蟲化生嚼人近水更多

蟬蛸蟾也鳴於夏者爲蛸鳴於秋者曰蟾

蟻螂出糞壤搏丸而化爲蟬出於汙濁之地而著清

潔之風亦可謂善變矣

蛾如小蝶而腹便兩眉如畫故詩云蛾眉一種善拂
燈火謂之燈蛾

蜘蛛蠹蛸也

馬黃蛭也

馬蟻螻蟻也

虻蚓曲蟾也

蜈蚣卽且也

蟋蟀促織也

寧河縣志

卷之十五 風物

三

蟾蛙蛤種相類而形色畧殊其子皆曰蝌斗

蛇寧澤甚多然無毒猛者

蝗蟲害苗者寧地卑窪遇旱魚子冬變爲蝗

貨之屬

鹽出蘆臺場灘曬成顆詳見場竈

硝冬日嚴寒鹽池內經夜卽起白齏掃齏熬之爲硝

京都口外用以熟皮亦可飼駱駝仁和縣圖經云鹽

硝可煉成朴硝邑未有煉者

鹵鹽澤也海水入地曬成鹵以坐鹽鹵太老反堅滑

不出鹽海人貯以閒池入冬以鍋熬成塊賈之四方用點豆汁成腐味鹹苦有毒能殺人

論曰左太冲三都賦序云其鳥獸草木則驗之方志信乎志邑乘者所貴辨物居方不可假稱珍怪以爲潤飾矣然民生日用所需悉裁成輔相所及故百穀蓊蓊庶草蕃蕪暨鳥獸魚鼈無不咸若者由感召之有其道也故物產之志非徒廣異聞資辨說已也滋液滲漉何生不育夫固有所驗之也

附
營田

寧河縣志

卷之十五 風物

三

圍田築土圍之環而不斷隨地形勢四面各爲大岸其中又爲小岸岸下有溝以泄水也外水護則內皆稼地矣 塗田瀕海之地潮水往來淤泥常積鹹草叢焉挑溝築岸樹立椿橛抵潮汛也其田形中央高兩旁下約可十餘丈卽爲小溝百數丈卽爲中溝依次加展以注雨潦謂之甜水溝曰甜水取其能刷鹹也初種水稗斥鹵盡乃種稻 沙田沙淤之田也民間率視爲棄地不知正江淮間所爲腴地也地近水故潤而不枯澤而不燥四圍宜種蘆葦內則普爲腴

岸可種稻秫等或中貫湖溝或旁澆大港旱則漑澇則洩較勝他地焉 水柵排木障水也若溪岸稍深田在高處於溪中作柵遏水使之旁出下漑田所其制當流列植樹椿椿上枕以伏牛擗以拉木仍疊塊石衆槌斜出以邀水勢 水閘開閉水門也間有地形高下水路不均則跨津築壩以匯之前立斗門甃石爲壁疊木作障以備啟閉如遇旱則撒水灌田爲益實多 水塘卽洿池因地形坳下用蓄水潦周禮所謂以瀦蓄水者也或修築圳堰以備灌溉田畝兼

可蓄魚鼈栽蓮芡凡陸地平田別無溪澗井泉以漑者救旱非塘不可其大者則爲陂塘古所傳如廬江之芍陂黃陵之雷陂潁川之鴻隙陂沛都之鉗廬陂各漑田數千頃能別度地形亦效此制利莫大焉 翻車江南所常用也或曰漢畢嵐始造之或曰魏馬鈞作其制壓欄有木列檻有椿車身用板作槽短一丈長倍之皆酌岸之高下濶自四寸至尺許高約一尺槽內架行道板一條隨槽濶狹視槽板首尾俱減尺置大小輪軸同行道板上下通週以龍骨板葉其

在上大軸兩端各拐木四莖置岸上木架間憑架踏木則龍骨板隨轉循環行道板刮水上岸凡臨水地皆宜用之若岸高則車與車相接或兩或三掘小池倒水而上之車亦有水轉者其制畧同但於水岸邊掘狹塹置車於內軸外端作豎輪一輪旁架木立軸置臥輪二輪有上下之分上輪適與車頭豎輪輻支相間乃擗水傍激下輪旣轉則上輪隨撥豎輪而翻車盤旋水汨汨乎倒上矣此卧輪制也若作立輪則別置水激立輪輪輻之末承小輪焉輻頭稍濶以撥

車頭之豎輪此立輪法也當各視其水勢隨宜用之車更有牛轉者則於無流水處用之其車如水轉卧輪之制特去下輪置諸車傍岸上用牛拽輪則翻車隨轉比人踏功將倍之筒車流水筒輪也輪大小視岸高下酌之使輪高於岸筒貯於槽自上流排石倉斜擗水勢急湊筒輪其輪就輪作轂軸之兩傍戾於椿柱山口內輪軸間受水板外又作木圈縛繞輪上繫筒於輪之一周有竹者有木者水激轉輪衆筒兜水次第下傾於岸上所橫之大槽其名曰天池連筒

以竹通水也凡所居去水泉頗遠不便汲乃取大竹
內通其節令本末相續連延不斷閣之平地或架越
澗谷引水而至又能激而高之飛數尺注池沼架槽
木架水槽也間有聚落去水既遠各家同力造木爲
槽遞相嵌接不限高下引水而至如泉源頗高水性
趨下引之特易在窪處則當戽水上槽亦可遠達遇
高阜阻礙或穿之或鑿之遇拗險則置义木駕空而
過其在平地引渠相接左右可移每村公製日用交
濟何利如之戽斗挹水器唐韻云戽抒也凡水岸稍

寧河縣志

卷之十五

風物

三

下不容置車當旱時用戽斗繫以雙縷兩人掣之抒
水上岸以溉田稼或柳筍或木罌從所便焉惟此法
邑人多
之用

附 蠶桑

大昕之朝浴種於川風戾以食之參尚書大
傳及禮記

蠶陽物大惡水故蠶食而不飲陽立於三春故蠶三
變而後消死於三七二十一日故二十一日而繭見
春

秋考
異

欲知蠶善惡常以三月三日天陰如無日不見雨蠶

大善又法埋馬牙齒於槌下令宜蠶本五行書

二月上壬取土泥屋四角宜蠶吉見雜五行書

三月清明節令蠶妾治蠶室塗隙穴具槌持箔籠本崔

實農政紀要

養蠶法收取種繭必取居簇中者泥屋用福德利上

土屋欲四面開窗紙糊厚為籬屋內四角著火初生

以毛掃調火令冷熱得所比至在眠常須三箔中箔

上安蠶上下空置小時採福德上桑著懷中令煖然

後切之每飼蠶卷窗幃飼訖復下老時值雨則壞繭

寧河縣志 卷之十五 風物 三

宜於屋裏簇之薄布薪於箔上散蠶訖又薄以薪覆

之一槌得安十箔本賈思勰齊民要術

凡蠶始生未齊時先採繁細切飼之詩所謂采繁神

桑葉遲發尤宜用之既齊則飼以嫩桑飼有節將眠必勤飼之

唐人詩如聽春蠶食葉聲蓋謂將眠時也蠶婦一夜數起時其寒煖如寒

則薰火於筐旁將老以大蓬蒿為薪散蠶遍懸之於

棟梁椽柱或垂繩鈎戈鴟爪龍牙上下數重所在皆

得懸訖薪下微生炭以煖之得煖則作速數入候者

熱則去穴蓬蒿疎涼無鬱浥之憂死蠶旋墜無汗繭

之患沙策不住無癡痕之疵室中忌孕婦及臨筐梳櫛

參致富奇書及齊民要術註

右皆經集格言所謂明於天時以知物理者也大約蠶之生也以清明北方地寒則當視桑生時爲度二十一日而老蠶雖有早晚之別治蠶不過三四兩月中事民間所以不事此特以木棉可織彼易而此難耳然棉之工較簡而其爲利也亦微蠶之工較繁而其爲利也實倍正不得事彼而舍此也若云難以兼營則更不然績宜於秋棉宜於冬而自春徂夏之交

寧河縣志

卷之十五

風物

三

深閨無事正當勸於女紅固並行而不悖耳至疑桑少不足供蠶則又有樹桑之法在若謂樹桑利不若他樹則古所云桑利又不一而足也并附載於後

桑柘熟時收黑魯椹卽日以水淘取子曬燥仍畦種常薹令淨明年正月移而栽之率五尺一根其下常劬掘種綠豆小豆栽後二年慎勿採沐大如臂許正月中移之率十步一行欲小犄角不用正相當須取栽者正月二月中以鈎戈壓下枝令著地條葉生高數寸仍以燥土壅之明年正月中截取而種之

凡耕桑田不用近樹其犁不著處劖斷令起斫去浮根以蠶矢糞之

具見齊民要術

種桑法五月取椹著水中卽以手漬之以水灌洗取子陰乾治肥田十畝荒田久不耕者尤善好耕治之每畝以黍椹子各三升合種之黍桑當俱生鋤之桑令稀疏調適黍熟穫之桑生正與黍高平因以利鎌摩地刈之曝令燥後有風調放火燒之常逆風起火桑至春生一畝食三箔蠶

見汜勝之書○以上詳樹桑之法

寧河縣志

卷之十五

風物

三

五年任爲弓材亦堪作履裁截碎木中作錐刀靶二十年好作犢車材欲作鞍轡者生枝長三尺許以繩繫旁枝木橛釘著地中令曲如橋十年之後便渾成柘橋欲作快弓材者宜於山石之間北陰中樹之其高原山田土厚水深之處多搖掘深坑於坑之中種者隨坑深淺或一丈五直上出坑乃扶疎四散此樹條直異於常材十年之後無所不任

見種樹經

楊沛爲新鄭長課民蓄桑甚積得千餘斛後太祖軍無糧沛進之

出魏畧

沈瑀爲建德令教民一丁種桑十五株女丁半之頃
之成林人皆歡悅

出齊書

柘葉飼蠶絲可作琴瑟等絃清鳴響徹勝於凡絲遠

矣

見齊民要術。以上廣樹桑之利。

按寧河四周環水最易營田興之則利廢之則害
雍正四年設局營田此地隸京東自五年以迄七
年委員倡率瀕海瀉鹵漸成膏腴乃北民未諳挽
漑趨易憚勞向所營田率變蔬圃沛霖所積浸爲
汙池外阻攔江宣洩廢日百產多所淹敗雖民俗

寧河縣志

卷之十五

風物

三

使然亦倡之者無其術也先是寶坻令袁黃教民
種稻刊勸農書凡八卷有天時地利田制播種耕
治灌溉糞壤占驗之目時寶坻民尊信其說行之
有效及袁公去而其蹟廢矣夫立言非爲一時有
言在一時而效行於後者元泰定間虞集建言東
京數千里北極遼海南濱青齊萑葦之場海潮日
至淤爲沃壤用浙人之法築堤捍水爲田以紓民
力事不果行及順帝至正中從丞相脫脫言乃立
分司農司於江南召募能種水田及修築圍堰之

人各一千名爲農師歲乃大稔此固立議之人所不及見而窮則變變則通通則久理固然也今寧河下因川澤決渠降雨功易於他邑陂池交屬且溉且糞利深於往時奈何趨易避勞竟誘於器用之不習乎夫水田之利旣已不營而蠶桑之法又復不講周禮載師宅不毛者有里布漢志旋廬樹桑而禹貢桑土旣蠶又卽冀州之域此皆天地自然之利而不可云地氣之不宜也故於袁黃書內採田制灌溉二項中尤切要者備錄之其蠶桑諸

寧河縣志

卷之十五

風物

旱

說仍採諸寶志所載庶興農桑之盛務者得所攷覽焉